

Edict du Roy

TOVCHANT LES IM-

petrations des benefices ecclesiastiques, avec l'extraict
des modifications, ampliations, & limitations fai-
ctes par la court, sur la verificatiõ dudiect Edict, Pu-
blié le vingtquatriesme iour de Iuillet mil cinq cens
cinquante.



Avec priuilege.

A PARIS.

On les vend à Paris, par Jacques Keruer, en la Rue S. Ia-
ques, à l'enseigne des deux cochetz, & au Palais, aux bou-
tiques de Vincent Serrenas & Gilles Corrozet Libraires.

Extraict des registres de Parlement.



*La court a permis & permet à Jaques Ker-
uer, Libraire iuré en l'Vniuersité de Paris,
d'imprimer ou faire imprimer les lettres de
Edict faict par le Roy, au mois de Iuin
dernier, sur la reformation des abuz qui se commettent
es impetrations des benefices, en couri de Rome, soubz pe-
tites dattes, avec l'extraict des modifications, ampliatiōs,
& limitations faictes par la court, sur la verification d'i-
celles lettres, defendant à tous autres Imprimeurs & Li-
braires de ce ressort, de les imprimer ou vendre, sans l'ad-
uen & consentement dudit suppliant, dedans le temps
de trois ans, à peine de confiscation de ce qui se trouue-
roit imprimé, & d'amende arbitraire.*

*Faict en Parlement le vingtquatriesme iour de Iuillet,
l'an mil cinq cens cinquante.*

Collation est faicte.

Signé DV TILLET.



HENRY PAR
la grace de Dieu
Roy de Frāce, Sça
uoir faisons à tous
presens & aduenir:
Cōme nous ayons

esté deuemēt aduertiz, & nous ayēt
esté faictes plusieurs plaiuctes & do
leances des fraudes & abuz par cy
deuāt faictz & commis, & qui peu
uent chascun iour estre faictz par les
impetrās de court de Rome, qui ob
tiennent en ladicte court impetra
tions de benefices par resignation,
en vertu des pcuratiōs nulles, faul
ces & mal expediees, par le moyen
desquelles sont lesdictz benefices
possedez par gēs intruz, & les vrais
titulaires de leurs droitz frustrez.
Mesmement par le dol, cautelle, &
malice des impetrās de petites dat
tes: sans tontesfois enuoyer procu

*Impetratiōs per
Resig. nom. apud
vltim. in ista
proximo inna
dix. mandata*

*Dat. capto
supra resig. m.
sine mandata*

ration, sinon apres la datte des resignations : Encores le plus souuent sont lesdictes procurations gardees deux ans ou plus, sans les faire sortir effect, sinon apres la mort du resignant. Et d'ailleurs les Notaires & tesmoins sont gens incongneuz: dont aduient que la pluspart desdictes procuratiōs sont faulces. Aussi que plusieurs resignent leurs benefices *in fauorem, & non alias*. desquelz toutesfois ilz ioissent apres, soubz couleur qu'ilz dient leurs resignataires ne les auoir acceptez. Et neantmoins lesdictz resignataires ce pēdant prēnent vne possession secrette, pour à laquelle donner couleur font quelques baulx à ferme par deuant tesmoins & Notaires attiltrez. Et d'auantage, pour obuier à la regle de Chancellerie de publicandis, plusieurs font telles resignations de six en six

mois, ou bien apres auoir passé pro-
curation pour resigner en faueur de
quelque personne leur font des le
l'endemain signifier vne reuocation
de ladicte procuration, qui est par
culx tenue secrette. Et si font enco-
res plusieurs autres fraudes & abuz,
par lesquelz est mis vn grand trou-
ble en l'estat Ecclesiastique, & se sus-
citent plusieurs proces & querelles
entre noz subiectz. Pour à quoy
obuier, par grande & meure delibe-
ration des Princes & Seigneurs de
nostre sang, & les gens de nostre cō-
seil, estant les nous: Auons statué &
ordonné par ces presentes, de nostre
certaine science, pleine puissance &
auctorité Royal, statuons, & ordon-
nons par Edict, statut & ordonnan-
ce perpetuelz & irreuocables, ce qui
s'ensuit.

*Rouen^m 6.
cous p^{re}st
resigna^m 15.*

*In legibus non iudicando
super poss. non habet
h. de procuratoriis
et resignandi*

Article I.

*erga Eusea
ionis. m. ti
naturi nuph
h. rane pro
ordinarios*

PREMIEREMENT, Que

p noz courts souueraines, & autres
noz iuges, en iugeant le possessoire
des benefices contétieux ne sera foy
adioustee es procurations pour re-
signer, ne reuocation d'icelles prin-
ses de posselsiõ, & autres actes & in-
strumēs passez par Notaires aposto-
liques, s'ilz ne sont preallablement
examinez & receuz par les Arche-
uesques, Euesques, leurs Vicaires,
ou Officiaulx, & faiët serment entre
leurs mains : & de ce ayent lettres
soubz leurs seeaulx, faiët aussi enre-
gistrer es greffes des courts desdictz
Archeuesques & Euesqs, & courts
presidialles de nostre royaume, suy-
uant l'Edict par nous faiët, leurs nōs
& furnoms, & declairé le nom du
lieu de leur demourance qu'ilz se-
rōt tenuz faire aux villes, & plus no-

tables lieux desdictz dioceses, res-
pectiuelement, selon le departement &
nombre qu'il sera aduisé.

Article II.

Q V E les Archeuesques & Euesques *corres nota*
seront tenuz dedâs trois mois, *nix, y donne*
apres la publicatiõ de ces presentes, *de bras & lige*
(appellé notable nombre du cler- *per quem li*
gé) arrester le nōbre des Notaires, *ordina in*
auquel nombre ne pourra estre au- *ma d'us in*
cun subrogé que par mort de ceulx *na Primofra*
dudict nombre arresté. Ou par vaca- *non poterit*
tion, priuation, ou forfaiture, sans *augeri non*
augmenter ledict nombre. Et ou il *ut sicut sol*
aduiendroit que pour certaine cau- *alij inu gra*
se seroit par lesdictz Archeuesques, *ne possit ob*
Euesques, Vicaires, ou Officiaulx à *pruati*
aucun desdictz Notaires interdit *privat*
l'exercice dudict estat, sera ladicte i-
terdictiõ enregistree, comme des-
sus, admonnestant lesdictz Prelatz

*Notarij nro
in sua dno
no potuerunt
disponere sed
conuenerunt
in l. pmo nro
l. i. m. d.*
n'en receuoir aucuns qui ne soyent
bons & notables personnages, & ne
pourront lesdictz Notaires exercer
lesdict notariat qu'en vn diocese,
sur peine de faulx & de nullité des
contractz qui seront receuz hors du
diocese auquel ilz aurōt esté receuz.

Article III.

*Notarij in suis
instrumentis
de bonis fidei
meritis expressis
loris qualitate
in l. l. m. d.
in l. m. d. ubi
disponitur
per ordinem
ad l. m. d. offe
x. c. m. d. a. si
m. d. fidei
m. d. l. l. l. l.
a. l. l.*
I T E M , ordonnons que foy ne
sera adioustee aux instrumēs receuz
par lesdictz Notaires, ores qu'ilz au-
royent obserué le contenu aux arti-
cles precedens, si dedans les instru-
mens par eulx receuz n'est faicte ex-
presse mētion de la qualité desdictz
Notaires, du lieu ou ilz auront esté
enregistrez, & de leur demourance:
Et n'auront les iuges esgard aux in-
strumens de procuration, pour resi-
gner benefices, si lesdictz Notaires
n'appellent

n'appellent deux tesmoins pour le moins, gēs domicilliez & cōgneuz es lieux ou ilz receueront ledictes procurations, & non parens ne domestiques: c'est à sçauoir, pere, ayeul & ascendant, frere, oncle ou cousin germain des resignans, ou resignataires: & que les procurations, scedes & minutes d'icelles soyēt signees par le resignāt, en presence deldictz deux tesmoīgs. Et lesq̄lz tesmoīgs seront tenuz sur peine de nullité de ladiēte procuratiō, signer la scede & note d'icelle, au cas que le resignant fust en telle disposition qu'il ne la peult signer, dont les Notaires feront tenuz faire mention, & de la raison & cause pour laquelle ledict resignant ne l'aura peu signer.

Article IIII.

ITEM, que ledictz Notaires seront tenuz faire bon & loyal regi-

*Des Types de
admissibles de
notari Sabon
les ma domi-
lia in locis
ubi stipulanda
sunt postea
exigunt et
non pariter
in resignatiō*

*signatur no
tula per
Notari autem
si in autem nota
ry trauant de
cetero cum quo
re in quibus*

stre, tant desdictes procuratiōs que
du temps qu'ilz les aurōt deliurees,
combien de fois, & à quelles person-
nes. Lesquelz Notaires seront aussi
tenuz de mettre chacun an, dans le
mois de Ianuier, pour le plus tard,
aux greffes des Archeueschez & E-
ueschez, ausquelz ilz auront instru-
menté vne coppie signee de leur
main, & extraict collationné par
leurs registres, contenant tout ce
qu'ilz auront instrumenté ladiete
annee concernant lesdictes procu-
rations, reuocations, & autres cho-
ses dependans d'icelles: gardant par
deuers eulx leurs nottes, sur lesquel-
les ilz auront dressé leursdictz re-
gistres & extraict d'icelles enuoyé,
comme dict est, aux greffes desdictz
Prelatz, Archeuesques & Euesques,
qui seruira de contrerolle seulemēt.
Et aussi à ce q̄ lesdictz Prelatz, Ar-

cheuesques & Euesques ayent con-
gnoissance desdictes procurations,
& s'informent s'ilz voyent que bon
soit si lesdictes procurations ont for-
ty effect.

Article V.

I T E M, que les Bãquiers & au-
tres qui s'entremettent en nostre
royaume, terres & seigneuries, des
expeditions qui se font en court de
Rome, & à la legation, seront tenuz
vn mois apres la publication de ces
presentes, faire serment par deuant
les iuges ordinaires de leurs demou-
rances, de bien & loyaulment exer-
cer ledict estat, faire loyal registre,
mesme serment, que incontinent
qu'ilz auront receu les procuratiõs
pour faire expedier, prẽdrõt la dat-
te d'icelles, & les noms des Notai-
res tesmoings inscriptz, & le lieu de

la cōfection desdictes procuratiōs:
& en feront bon & loyal registre.
Ensemble du iour qu'ilz receuerōt,
& aussi du iour qu'ilz aurōt enuoyé
lesdictes procurations à Rome, ou
à la legation. Seront aussi tenuz si-
gner au desloubz chascune expedi-
tion qu'ilz feront & enregistreront,
à ce que les parties en puissent faire
extraictz.

Article VI.

Q V E lesdictz Banquiers, en de-
liurant les expeditions par eulx fai-
ctes feront tenuz mettre & escrire
leurs noms & demourāces, sur pei-
ne d'estre à iamais priuez d'exercer
ledict estat de Banquier, esdictz pais
& royaume, d'amende arbitraire, &
dommaiges & interestz des parties.

Article VII.

I T E M que ou les Banquiers se-

ront trouuez auoir failly en ce que
dessus, ou autrement auoir fait faulte
en leur charge & registre sera proce
dé contre eulx par emprisonnemēt
de leurs personnes, iusques à plaine
satisfaction des dommaiges & in-
terestz desdictes parties, & de pu-
gnition corporelle, si elle y eschet:
faisant defences à toutes personnes
Ecclesiastiques de ne s'entremettre
dudict estat de Banquier & expedi-
tiōs de court de Rome, ou legation:
& cōmandement ausdictz Bāquiers
de bailler caution de mil escuz pour
le moins par deuant les Iuges presi-
diaulx auant que s'entremettre du-
dict estat.

Article VIII.

I T E M auons ordonné & ordō-
nons, que si pēdans les proces d'au-
cuns benefices les parties font refor-
mer aucunes bulles, desquelles ilz

se feroient au parauāt aidez audict
proces, pretendans que les premie-
res par eulx produictes n'estoiēt de-
peschees, iouxte & selon q̄ portoiēt
leurs signatures, que celuy qui se
voudra aider desdictes bulles, ain-
si refaictes sera tenu faire apporter
l'extraict de sa signature faict (*parte vo-
cata*) pour veoir si la teneur essentiel-
le & substantielle y est contenue, &
ladiete bulle depeschee selon la ve-
rité & teneur de ladiete signature.
Ordonnant toutesfois à noz Iuges
qu'il ne soit par eulx differé au iuge-
mēt de la recreāce, auquel ilz pour-
ront proceder, ayāt esgard aux pre-
mieres bulles produictes par lesdi-
ctes parties : Nonobstāt le delay ex-
traordinaire qu'ilz pourront bailler
pour le recouurement dudiēt ex-
traict de signature.

Article IX.

QVE leſdictz Banquiers enre-
giſtreront les iour & heure que les
Courriers partiront pour faire ex-
peditiōs à Rome, ou à la legation:

Article X.

ITEM defendons aux Iuges de
n'auoir eſgard en iugeant le poſſeſ-
ſoire du benefice aux prouiſiōs qui
ſont ou ſeront expediees ſur procu-
rations ſurannees, & auſſi ſur pro-
curations generales & non ſpecial-
les & particulieres, pour les benefi-
ces denommez eſdictes prouiſions.
Et pource que iournallemēt ſe ſont
pluſieurs plainctes par noz ſubiectz
des expeditions faictes en court de
Rome, pretendans pluſieurs proui-
ſions eſtre depeschees par reſigna-
tion, auāt que les procureurs ayent

entre leurs mains les procurations à resigner, lesquelles expeditions se font du iour & datte que les prouisions en sont requises, combien que lesdictz procureurs n'ayent lesdictes procurations en leurs mains, & ne sont enuoyees lesdictes procuratiōs souuētesfois que apres le trespas de ceulx qu'on dict auoir resigné, qui est vn moyen de falsifier lesdictes procurations : Et aussi, les resignans apres auoir passé lesdictes procurations les retiēnent par deuers eulx, & ne sont enuoyees que iusques apres leur trespas. Et neantmoins se font lesdictes expeditions sur la datte & supplication requise desdictes resignations, sans que ledict procureur, comme dict est, ait receu lesdictes procurations.

Article XI.

P O V R à quoy obuier, & à ce qu'on

qu'on puisse auoir quelque cōgnois-
sance, si lesdictz procureurs ainsi re-
signantz auoyent entre leurs mains
lesdictes procuratiōs: Auons ordon-
né & ordonnōs, que les pourueuz fe-
ront apparoir de leur procuration
deuement extraicte du registre du
Banquier, contenant ledict extraict
le tēps que ladicte procuration au-
ra esté enuoyee, & la responce que
ledict Banquier aura receue de son
soliciteur en court de Rome, con-
tenant le iour & datte de la receptiō
d'icelle, & par qui elle luy aura esté
baillee. Laquelle reception iceulx
Banquiers seront tenuz enregistrer
loyaulment & fidelement, inconti-
nent qu'ilz auront receu ladicte re-
sponce: à tout le moins quand ilz re-
ceuerōt les signatures, & bulles des-
dictes prouisions. Autremēt ne sera
aucune foy adioustee à icelles, mes-

mes quāt à la recreāce: Et quant à la
maintenue pourrōt les parties, c'est
à scauoir, celuy qui voudra impu-
gner la resignatiō, soustenir & faire
preuue que au temps de la datte de
la prouision, par resignation ledict
procureur n'estoit saisy de ladicte
procuracion. Et le resignataire au
contraire. Et faire aussi preuue de sa
part.

Article XII.

I T E M à ce que pour raison du
preccedent article les expeditions ne
soyent empeschées, ordonnons que
lesdictes procuratiōs pour resigner
seront enuoyees en court de Rome,
ou à la legation par les Banquiers se
chargeās desdictes expeditions, de-
dans le temps & selon qu'il sera par
eulx accordé. Et ce sur peine aux cō-
treuenans de cest article & du prece

dent, ſçauoir quāt aux reſignataires qui auront obtenu prouiſion ſur autre petite datte à part ou ſeparement ſans procuration de deſcheoir du droit poſſeſſoire des benefices par eulx pretenduz, en vertu deſdictes prouiſions: & quant aux Banquiers qui naurōt ſatisfaiēt à ce que deſſus de tous deſpens, dommaiges & intereſtz des parties, & autres mulctes & peines arbitraires.

Article XIII.

I T E M , ordonnons à noz iuges qu'ils nayent aucun eſgard en adiugeāt le poſſeſſoire d'aucun benefice, aux prouiſions dudiēt benefice contentieux, par deuāt eulx faiētes p reſignatiō ſinon q̄ par vertu d'icelle ait eſté prinſe poſſeſſion ſolennelle, & ſelon qu'il eſt requis par noz ordonnances, & reigle de Chancellerie, en

ce qu'elles sont receues pour ce regard. C'est à sçauoir quāt aux benefices des eglises cathedralles, collegialles, & conuentuelles qu'il n'en apparoiſſe par instrument ſigné du greffier & Notaire deſdictes eglises en la forme & manieres que ont accouſtumé inſtruméter leſdictz greffiers & Notaires, contenant la reception deſdictz pourueuz. Et en cas de reffuz, acte d'iceluy, vallāt & portant effect, de poſſeſſion & publication pour la ſatiſfaction de la reigle de Chancellerie, *de publicandis*. Et au cas que leſdictz notaires de chappitre reffuſeroyent bailler acte de la preſentation & requiſition faiçte par leſdictz pourueuz d'eſtre receuz & mis en poſſeſſion des benefices, dont ils ſont ainſi pourueuz, pourront prendre acte & instrument du dict reffuz, par tel autre Notaire

royal ou Ecclesiastique, que bon leur semblera, appellé iusq̃s à deux tesmoins pour le moins. Lequel acte sera de tel effect que celuy qui leur pourroit auoir esté baillé par lesdictz Notaires de chappitre.

Article XIII.

ET quant aux benefices dont la reception n'appartient aux chappitres & colleges, cōme cures, prieurez & autres benefices, la prinse de possession d'iceulx sera faicte deuāt Notaires & tesmoins, & la publication d'icelle, sūyuant ladicte regle de Chancellerie, *de publicandis*, au profne de l'Eglise parochialle desdictz benefices, ou aux places ordinaires, ou sont leurs iurisdic̃tions, ou aux sieges royaulx & presidiaulx, ou aux iours de marché, ou y aura affluence de peuple, ou à l'assemblée que

pourra faire l'executeur d'icelle bulle, des parochiens & marguilliers d'icelles. Ou par notification & insinuation faicte aux ordinaires collateurs ou patrons & nominateurs, ou à leurs vicaires & autres officiers au lieu archiepiscopal, episcopal, prieuré & principal lieu du benefice dont depend ledict benefice ainsi resigné de leursdictes provisions & prinſes de poſſeſſion, leur en baillant coppie ſignée d'un Notaire, ou de leurs ſecretaires, s'ilz le veullent. De laquelle notification leſdictz pourueuz en pourront prendre acte des Notaires qu'ilz meneront avec eulx, ou des ſecretaires deſdictz ordinaires, ſi bon leur ſemble. Voulant les prinſes de poſſeſſion autrement faictes eſtre declarees nulles & clandestines.

Article X V.

I T E M que tous pourueuz par deuolut, fondez sur incapacité des possesseurs ne s'efforcēt de faict d'entrer en la iouissance des benefices, sur peine de la descheance de leur droict de possession, & que sur lesdictes prouisions ne soit adiugé aucun sequestre, ains iouirōt deſdictz benefices, ceulx sur lesquelz auront esté impetrez lesdictz benefices par deuolut, iusques à ce qu'il y ait iugement au contraire de recreance ou principal.

Article X V I.

I T E M, tous ayans cōmis faulseté au faict des benefices, soit en bail-
lant collations, impetrations, procu-
rations instrumēs, requisitions, tant
d'estudes, lettres de degré, mādatz,

nominations, & autres lettres, actes
& instrumens iudiciaires ou extra-
iudiciaires en court de Rome, ou
des autres collatiōs, patrōs ou pre-
sentations, soit es registres des No-
taires apostoliques ou autres regi-
stres de Bāquiers, ou autres person-
nes publiques; de quelque qualité
qu'ilz soyent, s'ilz sont clerchez, seront
declarez descheuz du droict posses-
soire pretēdu ausdictz benefices par
eulx faitz contentieux, & puniz de
telle peine q̄ les Iuges verront pour
le cas priuilegié, & renuoyez à leurs
prelatz & iuges ordinaires, pour p-
ceder contre eulx, tant par declara-
tion d'inhabilité ppetuelle, de tenir
& posséder benefices en ce royau-
me & autres peines, selon la qualité
du faict.

Article XVII.

E T quāt aux gens laiz sera pro-
cedé

cedé contre eulx, selon la rigueur de
noz ordonnances : laquelle ordon-
nance nous voulons auoir lieu, non
seulement pour les proces à mou-
uoir, mais aussi pour tous les proces
ia meuz & intentez, & qui seront
trouuez pendans & indeciz.

Article XVIII.

ITEM pource qu'il se trouue
plusieurs expeditions faictes par re-
signation ou autrement, au nom de
deux freres ou parés de mesme nom
& surnom: Ordõnons qu'en telles
expeditiõs soit exprimé lequel des-
dictz freres ou parent, le maieur ou
mineur, filz aîné, secõd, ou frere de
tel frere, ou cousin de l'impetrant re-
signataire, en telle maniere qu'on
puisse appertement & cleremēt con-
gnoistre qui est celuy qui est, pour-
ueu du benefice.

Article XIX.

I T E M que quád ceulx qui auront obtenu en court de Rome, ou legation les prouisiōs susdictes par resignation, & aurōt sur ce produict en iugement leurs bulles, les pourueuz par les ordinaires & autres cōtédans puissent impugner lesdictes prouisions par les moyens dessusdictz, & faulxte d'auoir obserué le cōtenu es precedēs articles: & pour ce monstrier pourrōt faire extraictz en court de Rome, ou legation, partie appellee, avec delay competent pour ce faire.


SI DONNONS en mādement à noz amez & feaulx conseil- liers les gēs de noz courts de Parle- mēt de Paris, Tholoze, Bordeaulx, Diion, Rouen, Daulphine & Pro- uence: & à tous noz autres iustitiers & officiers, leurs lieutenāns, & à cha-

ſcun d'eulx, ſi comme à luy appar-
tiendra, q̄ noz preſens Ediēt, ſtatut,
& ordonnāce ilz facent lire, publier,
& enregistrer en leursdictes courts
& auditoires, & le cōtenu en icelles
entretenir & garder, nōobſtāt tous
Ediētz p̄ nous & p̄ noz p̄deceſſeurs,
faictz & publicz, & autres ordōnan-
ces à ce contraires. Et pour ce q̄ l'on
pourra auoir à faire de ces preſentes
en pluſieurs & diuers lieux: Voulōs
foy eſtre adiouſtee au vidimus d'icel-
les comme au preſent original, au-
quel, à fin q̄ ce ſoit choſe ferme & ſta-
ble à tousiours, nous auōs faict met-
tre noſtre ſcel, ſauf en autres choſes
noſtre droiēt & l'autrui en toutes.

Dōné à ſainēt Germain en Laye,
au mois de Iuin, l'an de grace mil
cinq cēs cinquante: & de noſtre re-
gne le quatrieſme. Signé par le Roy
en ſon conſeil, De l'Aubeſpine.

Lecta publicata & registrata, sub
modificationibus & limitationibus
in registro contentis, audito & hoc
requirente procuratore generali Re
gis, actum Parisiis in Parlamen-
to vicesimaquarta die Iulii,
Anno domini millesimo
quingentesimo quinquage-
simo, Sic signatu
du TILLET.

Extraict des registres de Parlement.

 E V par la court les lettres patentés du Roy, donnees à saint Germain en Laye, au mois de Iuin dernier, signees, Par le Roy en son conseil, de l'Aubespine, contenant aucuns articles sur la reformation des abuz qui se commettent es impetrations des benefices en court de Rome, & les remonstrances cy deuant faictes au Roy & son cōseil de la part de ladiète court sur quasi semblables lettres d'Edict concernant mesme matiere des conclusions du procureur general du Roy, la matiere mise en deliberatiō: La court a ordonné & ordōne q̄ lesdictes lettres patētes serōt leues, publiees & enregistrees es registres d'icelles: A la charge toutesfois que les Notaires, des chapitres, colleges

& monasteres qui ont accoustumé d'estre par eulx choiziz pourront instruméter, ainsi qu'ilz ont accoustumé faire: mesmes es actes qui se font esdictz chapitres, colleges, & monasteres. Et aussi que les prelatz & autres collateurs, ou presentateurs Ecclesiastiques des benefices seront tenuz es collatiōs, ou presentations qu'ilz feront desdictz benefices, appeller des tesmoins non domestiques desdictz collateurs & collataires. Et de la qualité de ceulx denomez audiēt Ediēt qui doiuent estre appelez pour tesmoins aux procurations, pour resigner leurs benefices, soubz la mesme peine que contenu est audiēt Ediēt à l'encōtre des resignans & resignataires. Et oultre que ou il y auroit doubte, dispute ou cōtétion sur la demourāce, notice & qualité des tesmoins instru-

